

Inatsisartut suleriaasianni § 37 imm. 1 naapertorlugu matumuuna imaattunik apeqquteqaatinik Naalakkersuisunut saqqummiussivunga:

Naalakkersuisumut apeqqutit:

- 1. Ilinniarnertuunngorniarlutik atuartut kalaallisut niveau a,b,c suli atorreqartarpat?**
- 2. Qallunaatut niveau qanoq agguataagaappat?**
 - Taamaassimanngippat suna peqquataava?
 - Taamaassimappat qanoq agguataarneri ingerlanneqartarpat?
- 3. Sooruna kalaallisut oqaasillit oqilisaaviginiarlugit kalaallisut atuartitseriaaseq assigalugu qallunaatut atuartitseriaaseq ingerlanneqarsimanngitsoq?**

(Laura Táunâjik, Inatsisartuni ilaasortaq Siumut.)

Tunngavilersuut:

Ilinniarnertuunngorniarlutik ilinniartut, paasisakka aallaavigalugit, kalaallisut piginnaasat aallaavigalugit pingasunngorlugu agguarneqarsimapput. A niveau tassaallutik kalaallisut piginnaasaqarluartut. B niveau piginnaasamikkut akunnattunik pisinnaasallit. C niveau kalaallisut piginnaasakinnerpaat.

Taamaattorli qallunaatut piginnaasakittut allatut periarfissaqartitaanngillat. Tamanna pissutsinut naapertuutinnigilaq. Kalaallisut pikkorissut qallunaalli oqaasiinik inorsartut karakterimikkut apparsaatigisarpaat.

Piginnaasaasali naleqqussartumik qallunaatut aaqqissuunneqaraluarpata tamanna ilinniartunut kalaallisut oqaasilinnut iluaqutaasinnaasqoq ilimanaateqarsinnaavoq.

Ilinniartut nunatsinni siunissatut taajukkatta pisinnaatitaaffii naleqqussarlugit naleqqussarneqartariaqarput. Taamaattumik periuseq naleqquttoq siuarsarneqarlunilu pitsanngorsarneqarnissaa aqqutissiuunneqartariaqarpoq.

Kissaatigaara apeqqutima ullut suliffiusut qulit iluanni akineqarnissaat.